



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CIX. Indictio sex Decimarum super fructibus omnium Ecclesiasticorum,
Beneficiorum, & Pensionum in universa Italia, & Insulis Italiæ adjacentibus.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

ut sibi ad hunc effectum eligere possint quemcumque Presbyterum Confessarium tam saecularem, quam cuiusvis Ordinis, & Instituti regularem ex approbatis, ut praemittitur, à locorum Ordinariis, qui eos ab omnibus excommunicationis, suspensionis, & aliis Ecclesiasticis sententiis, & censuris à jure, vel ab homine quavis causa latis, seu inflicis, necnon ab omnibus peccatis, excessibus, criminibus, & delictis quantumvis gravibus, & enormibus, etiam locorum Ordinariis, sive Nobis, & Sedi Apostolicae, etiam in litteris die Coenae Domini legi solitis contentis, & alias per quascumque nostras, aut Romanorum Pontificum praedecessorum nostrorum Constitutiones, quarum tenores praesentibus haberi volumus pro expressis, quomodocumque reservatis in foro conscientiae, & hac vice tantum absolvere, & liberare valeant.

Votorum commutatio.

§. 7. Et insuper vota quaecumque (religionis & castitatis exceptis) in alia pia, & salutaria opera commutare, injuncta tamen eis, & eorum cui libet in supradictis omnibus casibus poenitentia salutari, aliisque ejusdem Confessarii arbitrio injungendis.

Jubilari Jubileum praecipit.

§. 8. Quapropter tenore praesentium in virtute sanctae obedientiae districtè praecipimus, atque mandamus omnibus, & quibuscumque venerabilibus fratribus Patriarchis, Archiepiscopis, Episcopis, & aliis Ecclesiarum Praelatis, &c. quibuscumque Ordinariis locorum ubicumque existentium eorumque Vicariis, & Officialibus, vel illis deficientibus, illis qui curam animarum exercent, ut cum praesentium litterarum transumpta, aut exempla, etiam impressa, acceperint, illa statim absque ulla mora, retardatione, vel impedimento, per suas Ecclesias, & Dioeceses, Provincias, Civitates, Oppida, Terras, & loca publicent, & publicari faciant, Ecclesiamque, seu Ecclesias visitandas designent, ne alias ulterius praesentium litterarum executio protrahatur.

Suam mentem declarat.

§. 9. Non intendimus autem per praesentes super aliqua irregularitate publica, vel occulta, nota, defectu, incapacitate, seu inhabilitate quoquo modo contracta dispensare, vel aliquam facultatem tribuere dispensandi, seu habitandi, & in pristinum statum restituendi, etiam in foro conscientiae, neque etiam easdem praesentes iis qui à nobis, & Apostolica Sede, vel ab aliquo Praelato, seu iudice Ecclesiastico excommunicati, suspensi, interdicti, seu alias in sententias, & censuras incidisse declarati, vel publicè denunciati fuerint, nisi infra tempus dictarum duarum hebdomadarum satisfecerint, aut cum partibus concordaverint, ullo modo suffragari posse, aut debere.

Contrariis derogat.

§. 10. Non obstantibus Constitutionibus, & Ordinationibus Apostolicis, praesertim quibus facultas absolvendi in certis tunc expressis casibus ita Romano Pontifici pro tempore existenti referatur, ut nec etiam similes, vel dissimiles indulgentiarum, & facultatum hujusmodi concessiones, nisi de illis expressa mentio, aut specialis derogatio fiat, cuiquam suffragari queant, necnon Regula nostra de non concedendis indulgentiis ad instar, ac quorumcumque Ordinum, & Congregationum, sive Institutorum regularium, etiam juramento, confirmatione Apost. vel alia quavis firmitate roboratis statutis, & consuetudinibus, privilegiis quoque, indultis, & literis Apostolicis eidem Ordinibus, & Congregationibus, & Institutis, illorumque personis quomodolibet concessis, approbatis, & innovatis. Quibus omnibus, & singulis etiam si de illis, eorumque totis tenoribus specialis, specifica, & individua, non autem per clausulas generales idem importantes mentio seu quavis alia expressio habenda, aut aliqua alia exquisita forma ad hoc servanda foret, illorum tenores praesentibus pro sufficienter expressis, ac formam in eis traditam pro servata habentes, hac vice specialiter,

nominatim, & expressè ad effectum praesentium derogamus, caeterisque contrariis quibuscumque.

§. 11. Ut autem praesentes nostrae, quae ad singula loca deferri non possunt, ad omnium notitiam facilius deveniant; volumus, ut earundem praesentium transumptis vel exemplis, etiam impressis, manu alicujus Notarii publici subscriptis, & sigillo personae in dignitate Ecclesiastica constitutae munitis, ubique locorum, & gentium eadem prorsus fides habeatur, quae haberetur ipsis praesentibus si forent exhibitae, vel ostensa.

Datum Romae apud S. Mariam Majorem, sub Annulo Piscatoris, die 2. Martii 1661. Pontificatus Nostri Anno sexto.

Anno à Nativitate Domini Nostri Jesu Christi, millesimo sexcentesimo sexagesimo primo, Indictione 14. die vero 2. mensis Martii, Pontificatus autem Sanctissimi in Christo Patris, & Domini N. D. Alexandri Divina Providentia Papae VII. Anno ejus sexto, supradictum Breve affixum, & publicatum fuit ad valvas Basilicae Lateranensis, Principis Apostolorum, & Sanctae Mariae Majoris de Urbe, & in acie Campi Florae, ac aliis locis solitis, & consuetis Urbis per me Andream Castrucium Sanctiss. D. N. Papae Cursorem.

Carolus Melanus Curs. Mag.

Indictio sex Decimarum super fructibus omnium Ecclesiasticorum, Beneficiorum, & Pensionum in univerfa Italia, & Insulis Italiae adjacentibus.

CIX.

Vide ad Constit. 160. Urbani VIII. Suprema dispositione, in qua consimilem indictionum sex Decimarum invenies.

ALEXANDER EPISCOPUS,

Edita A. D. 1661.

Servus Servorum Dei. Ad futuram rei memoriam.

Cum Divina, aeternaque illius providentia, cuius nutu universa, ac singula in hac Mundi machina reguntur. Nos impari licet merito ad eminentem Apostolicam dignitatis speculam clementissime exerxit, ea inter nostras praecipua, maximeque sollicitudinis animo observatur, quae potissimum totius Christiani Orbis discrimini antevertendis incumbit.

Exordium.

§. 1. Hinc factum est, ut clarissima Venetorum Reipublicae, varia per tot Annos fortuna Barbarorum impetus tam Mari, quam Terra strenue sustinenti ab initio Pontificatus Nostri, praeter expensas in Triremum nostrarum classe singulis quibusque Annis in Aegeum Mare trajicere iussa instruenda erogatas, praeterque auxiliares copias jam dudum in Illyrium transmissas indulgentissimè etiam Ecclesiasticas super ejus domini Clerum sex Decimas, seu subsidia ad summam centum millium aureorum annuatim per sexennium ascendentes, seu ascendentia ultra emolumenta, ac bona Conventuum ibidem suppressorum, concesserimus.

Motiva hujus Constit.

§. 2. Verum quia ab Infidelibus nondum armis temperatur, sed eorum exercitus nuper Transilvaniam adorti, Varadino, aliisque Oppidis expugnatis audacioribus circumferuntur, & majora in inclitae Germaniae, ac Dalmatiae, & utriusque confinium Provinciarum populos immaniori militum vi moliantur. Nos ideo paterna commiseratione commoti multis antea precibus effusus, ut exurgente Domino dissipentur inimici ejus Charissimo in Christo filio Nostro Leopoldo Romano Regi Illustri in Imperatorem electo enixe à Nobis pro Hungarici Regni sui, quod undique impiorum Arma circumsonant defensione con-

filium,

filium opes, & auxilium flagitanti suppicias ferre decrevimus.

§. 3. At cum Cameræ nostræ Apostolicæ proventus expensis quas prædiximus aliisque summo- perè attritos in præteritis famis ac pestis necessi- tatem subditorum commodo adeo pietas profu- derit, ut ad ea præsidia comparanda quæ Turca- rum bello non solum repellendo, verum etiam illis inferendo, amissisque Deo adjuvante recuperandis impares reperiantur, cogimur exemplo Romano- rum Pontificum prædecessorum nostrorum ad alia- rum Ecclesiarum peculium, quæ Domini patri- monia sunt animo convertere, speramusque in causa quæ Dei est, & pro qua sanguinem effu- dere nemo fidelium recusaret, omnes libentissimè ac certatim contributuros.

Imponit Decimas prout in rubr.

§. 4. Habita igitur super hoc cum Venerabili- bus Fratribus nostris S. R. E. Cardinalibus delibe- ratione matura, de eorumdem consilio & assensu indicimus, & imponimus sex integras Decimas omnium & quorumcumque fructuum, reddituum, proventuum, jurium, obventionum, distribu- tionum quotidianarum, emolumentorum ordinario- rum & extraordinariorum omnium & quarumcum- que Patriarchalium & Metropolitanarum, Cathe- dralium, Collegiarum ac Parochialium, aliarum- que Ecclesiarum, necnon Monasteriorum & Con- ventuum, ac etiam Mensarum Patriarchalium, Ar-chiepiscopalium, Episcopalium, Abbatialium, Capitularium, & Conventualium, Prioratum quoque, Præpositurarum, Præceptoriarum, Can- onicatum, & Præbendarum, Dignitatum, per- sonatum, administrationum, & Officiorum, Capellaniarum, cæterorumque Beneficiorum & bo- norum Ecclesiasticorum etiam Jurispatronatus Lai- corum tam ex privilegio, quam ex fundatione & dotatione, vel alio quocumque titulo cum cura & sine cura Sæcularium, & Sancti Benedicti, San- cti Augustini, Cluniacensis, Cisterciensis, Præmon- stratenfis, Sancti Basilii, & qui proprietates, red- ditusque certos, ex privilegio, vel alias possident Mendicantium, ac quorumcumque aliorum Ordinum utriusque sexus, necnon Castrensis alias San- ctæ Justine de Padua, Carthusiensis, Lateranen- sis, Montis Oliveti, Camaldulensis, Sancti Salva- toris, Vallisumbrosæ, Sancti Georgii in Alga, Cælestinorum, Cisterciensis in Longobardia, San- cti Hieronymi, Silvestrinorum, ac Clericorum Reg- ularium Societatis JESU, aliarumque Congrega- tionum, Societatum, & institutorum Regula- rium exemptorum, & non exemptorum, & insu- per Hospitalium etiam Pauperum hospitalitatem non exercentium, seu bona & redditus ultra In- firmorum necessitates, & alia pro quibus institu- ta sunt pia officia exercenda possidentium, nec- non Beatæ Mariæ Theutoniarum, Sancti Lazari de Altopassu, Templi Dominici, & aliarum mili- tiarum in universa Italia, & Insulis Italiæ adja- centibus consistentium secundum verum annum valorem fructuum, reddituum, proventuum, & aliorum præfatorum, nisi aliter cum Sede, & Ca- mera Apostolica fuerit concordatum, S. R. E. Car- dinalibus qui præteritis Annis tam prompta, & spontanea liberalitate præsertim in duorum Na- vigiorum expeditione opulentum subsidium Rei- publice prædictæ præstiterunt, ob assiduos, mag- nosque labores, quos Ecclesiæ universali impend- unt, & gravissima quæ tuendæ dignitatis causa substinent onera, ac dominio præfata Reipublicæ Venetæ, & Militia Sancti Joannis Hierosolymi- tani ob causas antedictas, & bella quæ pro sua, Christiani Orbis tutela adversus Turcas præfatos semper gerunt, & pro quibus alie- nis continuo indigent auxiliis dumtaxat ex- ceptis.

§. 5. Ac etiam indicimus, & imponimus sex similes Decimas omnium & quarumcumque pen- sionum annuarum super fructibus, redditibus, proventibus, juris obventionibus, emolumentis,

& distributionibus supradictis, sive earum loco fructuum, reddituum, proventuum, obventio- num, emolumentorum, ac distributionum hujus- modi (statu Veneto ut præfertur excepto) in fa- vorem quorumcumque (non tamen Cardinalium prædictorum) reservatarum, & assignatarum, seu translatarum, aut reservatarum, & assignatarum, vel translatarum, ac reservandarum & assignan- darum, seu transferendarum, aut reservandorum, & assignandorum, vel transferendorum percipien- das, exigendas & levandas ab omnibus quibus- cumque Patriarchis, Archiepiscopis, Episcopis, & aliis Ecclesiarum Prælati, ac cæteris cujuscum- que dignitatis, gradus, status, ordinis, militiæ, & conditionis personis infra scripto Decennio du- rante præfata quocumque jure & titulo obtinen- tibus, & obtenturis, ac reservata & assignata, seu translata habentibus seu habituris, necnon Oeco- nomis, administratoribus perpetuis, & tempora- libus usufructuariis, ac fructus, pensiones, res, & alia hujusmodi jura ex quacumque causa sibi Apo- stolica auctoritate in toto, vel in parte reservata, seu translata habentibus & habituris Sæcularibus & Regularibus Ordinum, Congregationum, Mil- itiarum & Hospitalium (non tamen Sancti Joan- nis Hierosolymitanensis) præfatorum, necnon ab ipsis Ecclesiis, Capitulis, Conventibus, Ordini- bus, Congregationibus, Collegiis, Hospitali- bus, Militiis, Mensis, Massis, & locis quocum- que privilegio & exemptione reali, personali, mixta antiqua, & immemorabili, pacifica & conti- nuata suffultis.

§. 6. Quas omnes Decimas prædictasolvere obligatos, ut præfertur easdem infra Decennium proximum decem æqualibus solutionibus, pro prima videlicet intra proximum diem festum Dedicacionis S. Michaelis Archangeli Mensis Septem- bris proximè futuri, & successivè pro reliquis no- vem solutionibus, singulo quoque anno ratam partem intra festum hujusmodi cujuslibet Anni immediatè usque ad totalem solutionem Cameræ prædictæ, & illius Depositario Generali ad id constituendo omnino volumus perfolvisse. Ejus- dem vero depositarii munus erit sedulo curare, ut quidquid pecuniarum ex Decimis colligetur, id diligenter, ac fideliter asservetur de mandato no- stro speciali in præfatos usus dumtaxat, nec alias erogandum.

§. 7. Quicumque vero decimas hujusmodi nul- lo modo, vel non integre scienter, aut non se- cundum verum annum valorem fructuum, red- dituum, proventuum, jurium, obventionum, & emolumentorum, vel concordiam cum Sede & Camera prædictis, ut præfertur ineundam, sive in terminis constituendis non exhibuerint, seu in illorum exhibitione malitiam commiserint, vel fraudem, si Ecclesiarum Antistites fuerint, sus- pendimus à divinis, Capitula vero, Conventus, Congregationes, Societates & Collegia Ecclesiasti- co interdicto supponimus, ac singulares personas Antistite inferiores excommunicationis sententia innodamus.

§. 8. Cæterum ad prædictas Decimas consequen- das præcepimus etiam omnibus conductoribus, censuariis & locatoribus proprietatum, fructuum, rerum & jurium prædictorum etiam hujusmodi pensionibus oneratorum, ut utrasque Decimas nomine Dominorum, ac pensionariorum ad com- putum suæ quicquid locationis, omnibus vero pos- sessoribus, & usufructuariis, aliis pensiones, seu fructus aliaque prædictaolvere debentibus, ut ipsi etiam Decimas pensionum hujusmodi nomine pensionariorum Cameræ & Depositario prædictis integrè perfolvant. Decernentes Decimas fru- ctuum, reddituum, proventuum, aliorum ju- rium prædictorum secundum verum annum an- nuum, vel saltem juxta taxam, de qua cum Venerabili Fratre nostro Antonio Episcopo Tusc- lano Cardinale Antonio Barberino nuncupato

Decimæ per decennium sunt solvenda.

Pœnæ contra non solventes.

S. R. E. Camerario, & dilecto filio nostro, & Camera prædictæ Thesaurario generali (quibus etiam Ecclesiarum, Monasteriorum; Beneficiorum, & aliorum prædictorum fructus hæcenus non taxatos, taxandi, & taxam in libris Camera Apostolicæ describi faciendi, necnon taxas antiquas, si opus fuerit juxta verum fructuum valorem augendi licentiam, facultatem, potestatem, & auctoritatem plenariè concedimus, & impartimur) ut præfertur concordaverint, alias vero pensionum Decimas ad rationem decem pro centenariò præstari debere, & secundum ea prædictos omnes in solidum cogendos esse, ipsarumque decimarum Procuratores à quibus libuerit integrè exigendi, optionem facultatemque habere neque ulla immunitates, & exemptiones etiam ex causa resignationis, cessionis juris, concordia, conventionis, aut quacumque alia gravi, & onerosa occasione quocumque modo & sub quibuscumque verborum expressionibus etiam à Decimis, seu quibusvis aliis impositionibus, etiam pro expeditione tam offensiva, quam defensiva contra Turcas & alios Infideles, & Hæreticos, seu ex alia quavis quantumvis legitima & rationabili, ac necessario, & de necessitate exprimenda causa etiam in favorem Imperatoris, Regum, Reginarum, Ducum, seu aliorum quorumcumque Principum, ac procuratorum, & Sedis Apostolicæ necessitatibus, seu alias canonicè, vel de facto impostis, & pro tempore impo-
nendis, etiam per nos concessas, & interim concedendas integram solutionem hujusmodi minue-
re vel impedire, neque possessores, usufructuarios, aut alios pensiones, seu fructus hujusmodi solvere debentes, etiam si ipsi juri, & actioni petenda, vel detrahenda, aut retinenda portionis, & rata partis pensionarios contingentis jurejurando renunciaverint, atque ex forma dictæ Camera amplissima caverint modo aliquo obligari, neque ad id pro dicto tempore constringi posse, sed pensionarios, & fructuum hujusmodi reservarios ad Decimarum prædictarum onus subeundum omnino teneri. Omnes vero confessiones, ac quietantias receptionis Decimarum à Procuratoribus, & Ministris Camera prædictæ, tam conductoribus, censuariis & locatoribus nomine suorum principalium, quam etiam ipsis necnon possessoribus, usufructuariis, & aliis pensiones seu fructus solvere debentibus nomine pensionarium faciendas perinde valere, atque in judicio, & extra illud ubique locorum fidem facere, ac ipsismet principalibus & pensionariis, præsentibus, & solventibus, factæ, & exhibitæ fuissent.

§. 9. Conductores autem, qui pretium locationis dominis legitime anticipaverint, locationem suam hujusmodi, quam ad hoc prorogamus usque ad integram satisfactionem, ut prius etiam adveniente successore continuare debere. Sicque per quoscumque Judices ordinarios, & Delegates etiam causarum Palatii Apostolici Auditores & S. R. E. Cardinales etiam de Latere Legatos, & Nuncios in quavis instantia, sublata eis, & eorum cuilibet quavis aliter judicandi, & interpretandi facultate, & auctoritate ubique judicari, & definiti debere, ac irritum, & inane quicquid fecus super his à quoquam quavis auctoritate scienter, vel ignoranter contigerit attentari.

§. 10. Ut autem omnia prædicta sicut causa urgens postulat diligenter, & fideliter executioni demandentur Antonium Cardinalem, & Episcopum, ac Camerarium, & Thesaurarium prædictos insolidum quorum integritas, fides atque experientia jam pridem nobis perspecta est, & nota devotio generales omnium Decimarum prædictarum Collectores in Italia, & Insulis illi adjacentibus hujusmodi cum omnibus, & quibuscumque privilegiis, jurisdictionibus, ac juribus, quæ omnes alii antehac hujusmodi Collectores habuerunt auctoritate prædicta tenore præsentium

constituimus, & deputamus, eisque plenam, liberam & absolutam facultatem, & auctoritatem tribuimus, omnes ipsas Decimas Camera prædictæ nomine procurandi prædictos omnes tam conjunctim, quam divisim ad illarum integram solutionem ut prædictum est faciendam etiam per editum locis publicis assignandum monendi, & requirendi, non parentes, fraudulentos, & cæteros contumaces in censuras & pœnas prædictas incidisse servata forma Concilii Tridentini declarandi, proprietates, res, fructus, & alia bona ipsorum etiam manu regia apprehendendi, & usque ad condignam satisfactionem retinendi contraditores, perturbatores, & rebelles quoscumque, eisque auxilium, consilium, vel favorem publicè, vel occultè quovis quæsito colore præstante cujuscumque dignitatis, gradus, & ordinis fuerint prædictis, aliisque censuris, & pœnis Ecclesiasticis, necnon pecuniariis, cæterisque juris & facti remediis compellendi, illasque etiam iteratis vicibus aggravandi, dignitatibus, beneficiis, & officiis omnibus privandi, & amovendi ad futura inhabiles faciendi, interdictum Ecclesiarum apponendi, auxiliumque brachii secularis quodcumque opus fuerit invocandi, ad sanitatem verò reverbos qui debite satisfecerint ab omnibus censuris, & pœnis prædictis in forma Ecclesiæ consueta absolvendi, super irregularitate forsan incurra, dummodo tamen in contemptum clavium non celebraverint, dissipandi, & ad pristinum statum omnino restituendi.

§. 11. Præterea Collectores, & Subcollectores viros utique providos, ac fide & facultatibus locupletes, & solertes in omnibus Civitatibus, Terris, & Provinciis Italia, & Insularum illi adjacentium hujusmodi quotquot viderint expedire cum simili vel limitata non tamen absolvendi potestate constituendi, eumque, vel eos eorum arbitrio revocandi negligentes, & morosos removendi, ac alium seu alios subrogandi quotiescumque eis videbitur, ac ab eis eorumque hæredibus & successoribus administrationis rationes exigendi in delinquentes, & suspectos per se, vel alium, seu alios etiam simpliciter, & de plano ac sine strepitu, & figura judicii inquirendi, & meritis pœnis puniendi modos & formas in prædictis servandos præscribendi, dubia quacumque in præmissis forsan oritura declarandi, ac prorsus omnia, & quacumque circa ea necessaria, & opportuna faciendi, statuendi, & exequendi, etiam si talia forent, quæ mandatum exigent magis speciale, quam præsentibus est expressum, ea tamen conditione adjuncta, quod Collectores, & Subcollectores deputandi, seu substituendi hujusmodi per deputationem seu substitutionem de eorum personis; ut præfertur faciendam nullo modo censeantur exempti à solutione sex Decimarum prædictarum, quas ratione Ecclesiarum, Monasteriorum, Beneficiorum, seu pensionum per eos obtentorum solvere debent.

§. 12. Non obstantibus piæ memoriæ præferti Pauli III. ac Gregorii XIII. quibus inter alia cavetur, quod Clerici Regulares Societatis JESU à solutione Decimarum hujusmodi exempti esse debeant, ac Pii V. duodecim Congregationibus præfatis ex titulo oneroso parem exemptionem concedentis, & Bonifacii VIII. Romanorum Pontificum etiam Prædecessorum nostrorum de una & in Concilio generali edita de duabus dietis, & aliis Apostolicis Constitutionibus, necnon Ecclesiarum, Monasteriorum, Prioratum, Ordinum, Congregationum, Hospitalium, Militiarum & locorum prædictorum juramento, confirmatione Apostolica, vel quavis firmitate alia roboratis statutis & consuetudinibus, stabilimentis, usibus, & naturis, necnon quibusvis privilegiis, indultis, exemptionibus, etiam in corpore juris clausis, immu-

nitatibus,

Collectores
& Subcollectores
solent
resistunt.Contrariis
derogat.Constituit
generales
Collectores.

nitatibus, litteris Apostolicis, Ordinibus, Congregationibus, Militiis, Monasteriis, Conventibus, Regularibus Locis, Capitulis, dignitatibus, aliisque quibusvis personis supradictis tam Sæcularibus, quàm Regularibus generaliter, vel specialiter sub quacumque forma, & verborum expressione ab eadem Sede etiam ex causa concordia, aut remunerationis laborum, vel titulo oneroso, aut aliâ ex qualibet alia causa etiam hic non expressa, & necessariò exprimenda concessis, approbatis, & innovatis. Quibus omnibus etiam si de illis, eorumque totis tenoribus, specialis, specifica, expressa, & individua non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret tenores huiusmodi pro plenè, & sufficienter expressis, & insertis habentes illis aliâ in suo robore permanens hac vice dumtaxat harum ferie latissimè, & plenissimè, ac specialiter, & expressè derogamus, cæterisque contrariis quibuscumque.

§. 13. Quodque si Prælati, & personis prædictis, eorumque Ecclesiis, & locis, vel quibusvis aliis communiter, aut divisim à præfata sic Sede indultum, quod interdicti, suspendi, vel excommunicari non possint per litteras Apostolicas non facientes plenam, & expressam, ac de verbo ad verbum de indulto huiusmodi, necnon personis, earumque nominibus, & cognominibus, Ecclesiis, Monasteriis, & Ordinibus, ac locis huiusmodi mentionem, & quibuslibet aliis privilegiis, exemptionibus, immunitatibus in genere, vel in specie quodcumque concessis, confirmatis, & innovatis, etiam solutionem Decimarum alias, quam secundum antiquam taxam, & nisi in Universali Decimarum per Orbem impositione fieri prohibentibus, necnon promissionibus, applicationibus, donationibus, obligationibus, juramentis, renunciationibus, vinculis, & cautelis in assignatione prædictarum pensionum factis, quibus per impositionem Decimarum huiusmodi neminem teneri, neque eas, quoad præmissa contra quæcumque locum habere similiter declaramus, aliisque indultis, & litteris Apostolicis generalibus, vel specialibus cujuscumque tenoris existant per quæ præsentibus non expressa, aut omninò non inserta effectus earum impediri valeat quomodolibet, vel differri, & de quibus eorumque totis tenoribus habenda sit in nostris litteris mentio specialis: quæ omnia contra præmissa nolumus cuiquam in aliquo suffragari; necnon aliis huiusmodi impositionibus, & concessionibus ad tempus nondum elapsum si quæ sint factis, cæterisque contrariis quibuscumque.

§. 14. Insuper in percipiendis Decimis prædictis Constitutionem recol. mem. Clementis Papæ V. similiter prædecessoris nostri in Concilio Vien. editam, quod Decimæ ad monetam currentem communiter levari, nec calices, libri, cæteraque Ecclesiarumque ornamenta divino cultui dicata ex causa pignoris capi, percipi, vel distrahi, aut aliâs quomodolibet occupari debeant ubique volumus observari. Quin etiam præcipimus, ne quisquam etiam plura quantumque valoris beneficia Ecclesiastica, seu plures pensiones, aut fructus, seu talia mixtim obrinens pro littera, & sigillo quietantiæ universalis, si illam habere voluerit ultra unum Caroleum conficientem quætrecentos triginta septem monetæ Romanæ solvere teneantur, nec ad aliud onus etiam prætextu cambii uspiam compellatur.

§. 15. Cæterum volentes illos, quos Dei timor à malo non revocat, saltem formidine pænæ, & publica disciplina compescere omnes, & singulos cujuscumque dignitatis, status, gradus, ordinis, vel conditionis fuerint etiam Pontificalli dignitate potiuntur, qui de huiusmodi exigendis Decimis aliquid usurpare, seu subtrahere, aut sibi ratione Ecclesiarum, Monasteriorum, Be-

neficiorum, seu Pensionum per eos obtentorum ut præfertur retinere, aut in illas exigendo, colligendo, vel conservando fraudem, vel deceptionem aliquam committere maliciosè præsumpserint, interdicimus à divinis, ac majoris excommunicationis, & etiam privationis Ecclesiarum, Monasteriorum, & beneficiorum, quæ obtinent, & pensionum, quas percipiunt, necnon inhabilitatis ad illa, & alia impostero obtinenda sententias, censuras, & pœnas incurrere volumus ipso facto, itaut ab eadem excommunicatione ab alio, quàm Romano Pontifice, aut in mortis articulo absolutionis beneficium nequeant obtinere.

§. 16. Quia verò difficile nimis esset præsentibus litteras ad singula quæque, & quocumque illis opus erit perferre; volumus ut illorum exemplis etiam impressis, & Notarii publici manu, ac Antonii Episcopi, & Cardinalis, ac Cameraarii præfati, aut Theaurarii, seu alterius ab eisdem deputati Collectoris, seu Prælati Ecclesiarum, ejusque Curia sigillo obfignatis eadem profusus fides in iudicio, & extra illud ubique locorum adhibeatur quæ ipsis præsentibus adhiberetur si essent exhibitæ, vel ostensæ. Ut autem præsentibus ad communem notitiam deducantur eas Valvis Ecclesiæ Sancti Joannis Lateranen. ac Basilicæ Principis Apostolorum de Urbe, & Cancellariæ Apostolicæ affigi, seu appendi faciemus, quæ se suo quasi sonoro præconio, & patulo iudicio publicabunt, ut ii quos præmissa contingunt quod ad ipsos non pervenerint, aut ea ignoraverint, nullam possint excusationem prætere, seu ignorantiam allegare, cum non sit verisimile, quoad ipsos remanere incognitum, quod tam patenter omnibus publicatur.

§. 17. Nulli ergò omninò hominum liceat hanc paginam indictionum, & impositionum, suspensionis, suppositionis, innodationis, Decreti, concessionis, impartitionis, protogationis, constitutionis, deputacionis, tributionis, declarationis, voluntatis, & præcepti nostrorum infringere, vel ei ausu temerario contraire. Si quis autem hoc attentare præsumpserit indignationem omnipotentis Dei, ac Beatorum, Petri & Pauli, Apostolorum ejus, se noverint incursum.

Datum Romæ apud Sanctam Mariam Majorem Anno Incarnationis Dominicæ millesimo sexcentesimo sexagesimo Nono, Kal. Martii, Pontificatus nostri Anno sexto.

Transumptio fides.

Dat. P. A. 6. die 24. Mar.

✠ Ego Alexander Catholicæ Ecclesiæ Episcopus.

- † Ego Franciscus Episc. Portuensis Card. Barberinus S. R. E. Vicecancellarius.
- † Ego Bernardinus Episcopus Prænestinus Card. Spada.
- † Ego Julius Episcopus Sabinen. Cardinalis Sacchetti.
- † Ego Marius Episcopus Albanensis Car. Ginettus.
- † Ego Hieronymus tituli S. Laurentii in Lucina Card. Columna.
- † Ego Jo. Baptista tit. S. Mariæ Transiberim Cardinalis Pallottus.
- † Ego Uldericus tit. Sancti Petri ad Vincula Card. Carpineus.
- † Ego Marcus Anton. tit. S. Mariæ de Pace Card. Franciottus.
- † Ego Steph. tit. Laurentii in Pane Perna Card. Duratius.

Quenam pignori non debent.

Pœnæ contra usurpatores.



- † Ego F. Vincentius Maculanus tit. S. Clementis
Card. S. Clementis.
- †
- † Ego Hieronymus tit. Sanctissime Trinitatis in
Monte Pincio Card. Grimaldus.
- †
- † Ego Angelus tit. Quirici, & Julitæ Cardinalis
Georgius.
- † Ego Nicolaus tit. S. Mariæ Angelorum Card.
Ludovici M. Penitent.
- †
- † Ego Federicus tit. S. Anastasiæ Card. Sfortia.
- † Ego Benedictus tit. Sancti Honuphrii Cardinalis
Odescalcus.
- †
- † Ego Camillus tit. S. Petri in Monte Aureo Car-
dinalis Astallius.
- †
- † Ego Aloysius tituli S. Alexii Card. Homodeus.
- †
- † Ego Jacobus tit. Sanctæ Mariæ Trānsport. Presbyt.
Card. Corradus.
- † Ego Laurentius tit. S. Cryfogoni Cardinalis Im-
perialis.
- † Ego G. bertus tit. SS. Joannis, & Pauli Cardinal.
Borromæus.
- † Ego Marcellus tit. S. Stephani in Monte Cælio
Card. Santacruccius.
- † Ego Baccius tit. SS. Nerei, & Achillei Card. Al-
dobrandinus.
- † Ego Jo. Baptista Spada tit. S. Marcelli Cardinal.
S. Sufannæ.
- † Ego Franciscus tit. S. Mariæ in Via Cardinalis
Albitius.
- † Ego Octavius tit. S. Cæcilie Card. de Aquaviva.
- † Ego Flavius tit. S. Mariæ de Populo Cardinalis
Ch. fuis.
- †
- † Ego Julius tituli Sancti Sixti Cardinalis Rospi-
gliosus.
- † Ego Nicolaus tit. Sancti Eusebii Card. à Balneo.
- †
- † Ego F. tit. S. Jo. ante Port. Latinam Cardinal.
Paulus.
- † Ego Sfortia tit. S. Salvatoris de Lauro Cardinal.
Pallavicinus.
- †
- †
- †
- † Ego Virginus S. Mariæ in Via lata Diaconus
Card. Ursinus.
- † Ego Rainaldus S. Nicolai in Carcere Tulliano
Diac. Cardinalis Estensis.
- †
- † Ego Paulus Aemilius S. Mariæ Cosmedin Diac-
onus Card. Rondininus.
- †
- † Ego Laurentius S. Eustachii Diac. Card. Raggius.
- †
- †
- † Ego Carolus S. Angeli in Foro Piscium Diac.
Card. Carolus Barberinus.
- † Ego Carolus S. Mariæ in Dominica Diacogus
Card. Pius.
- †
- † Ego Decius S. Adriani Diaconus Cardinalis Az-
zolinus.
- †
- †
- † Ego Franciscus Maria SS. Viti & Modesti Diac.
Card. Mancinus.
- †
- †

Anno à Nativitate D. N. JESU Christi 1661. In-
dictione 14. Die verò 30. mensis Aprilis, Ponti-
ficatus autem Sanctiss. in Christo Patris, & D.
N. D. Alexandri Divina Providentia Pape VII.
Anno septimo, presentes litteræ Apost. lectæ, &
publicatæ fuerunt ad valvas Basilicarum Latera-
nen. & Principis Apost. de Urbe, & Cancellariæ
Apost. per Nos Petrum Paulum Desiderium, &
Gregorium Staggiū prælibatū Sanctiss. D. N. Pa-
pæ Curf.

Pro D. Mag. Curf. Laurentius Barbigionus Curf.

Confirmatio, & innovatio litterarum Clem. VIII.
& Pauli V. contra Fratres Ordinis Eremitarum
S. Augustini conquiritentes dignitates in eadem
Religione ad requisitionem personarum extra
Ordinem constitutarum.

Ambitum hujusmodi Fratribus prohibuit Paulus V.
Constitut. 48. & serè omnes Religiones habent hanc
prohibitionem, ut videri potest in Repertorio, verb.
Ambitus.

ALEXANDER PAPA VII.

Ad perpetuam rei memoriam.

Admonet Nos suscepti cura regiminis Uni-
versalis Ecclesiæ, ut illa, quæ à Romanis
Pontificibus Prædecessoribus nostris pro fœlici
Christi fidelium, qui abnegantes semetipsos Al-
tissimi obsequiis sese sub suavi religiõe humilitatis
jugo manciparunt. directione, & quiete sa-
lubriter constituta esse dignoscuntur, quo ferven-
tur in posterum exactius, innovemus, & Apo-
stolicæ confirmationis nostræ munimine constabi-
liamus.

§. 1. Dudum siquidem à fel. record. Clemen-
te Papa Octavo Prædecessore nostro emanavit
Constitutio tenoris, qui sequitur, videlicet, Cle-
mens Papa VIII. Ad perpetuam rei memoriam.
Quoniam nemo debet sibi assumere honorem, ni-
si vocatus à Deo tanquam Aaron, & à regula-
ris vitæ instituto valde alienum est, ut Religiosi
viri, quos honorum, & dignitatum gradus fan-
citate vitæ, ac aliis Religiosis virtutibus potius
promereri, quam appetere, eosque gradus, cum
ad eos assumuntur, obedienter suscipere, suscep-
tosq. humiliter administrare decet; mendicatis
secularium præsertim personarum studiis, ad eos
sibi aditum patefacere contendant, unde magna
in Ecclesia Dei perniciēs adferri solet. Nos qui
pro nostri muneris debito in hoc potissimum la-
borare non desistimus, ut Ecclesiastica regularis-
que disciplina pristino candori restituatur, huic
malo opportunum remedium adhibendum censui-
mus.

§. 2. Cum itaque sicut accepimus, quidam in
Ordine Eremitarum S. Augustini Professionis, &
regulæ, quam professi sunt, penitus immemores
nimiaque dignitatum, & officiorum Ecclesiasticor-
um in dicta Religione consequendorum ambitio-
ne ducti, pro iis consequendis, Ecclesiasticorum,
& secularium Principum studia requirant, & à S.
R. E. Cardinalibus, aliisque Prælati commenda-
titiis litteras, aliosque favores, & gratias propte-
rea expetant, quibus adjuti, quos ipsi ex se pro-
meruisse minime confidunt gradus, & dignitates
in eadem Religione consequi valeant, sicque ejus-
dem Religionis quietem non sine animarum suarum
periculo perturbant.

§. 3. Nos malum hoc ab eodem Ordine, &
Religione, cujus prosperum regimen, & incre-
mentum ad Ecclesiæ sanctæ utilitatem sinceris ex-
optamus affectibus, pro nostra pastorali sollicitu-
dine propellere summo perè cupientes, motu

proprio,

C X.

Edita An. D.
1661.Const. Clem.
VIII.Motiva hu-
jus Const.Pœnæ con-
tra Subditos
ambientes.